

綱鑑易知錄

周

四五

113
537
4



113
537
卷 4

尺木堂綱鑑易知錄卷之四

天正十五年二月
花房仙大郎氏寄

通鑑前編定本

山陰吳乘權楚材同輯

周之燦星若

周紀

釐王

名胡齊莊王之子在位五年諡法有罰而還曰釐。釐音禧。

北杏之會

綱庚子周釐王元年春齊侯宋人陳人蔡人邾人會

于北杏夏六月齊人滅遂紀會于北杏齊地以平宋亂

宋萬弒閔公遂國名舜人不至齊人滅遂而戍之

閔公

周釐王

一

柯之盟

文定胡氏曰春秋之世以諸侯而主天下會盟之政自北杏始其後宋襄晉文楚莊秦穆交主夏盟跡此而為之者也桓非受命之伯諸侯自相推戴以為盟主是無君矣故四國稱人以誅始亂正王法也齊侯稱爵其與之乎上無天子下無方伯有能會諸侯安中國而免民於左在則雖與之可也誅諸侯者正也與桓公者權也

綱冬魯侯會齊侯盟于柯齊邑今山東兗州府東阿縣紀齊桓公

伐魯魯將師敗魯莊公請獻遂邑以平桓公許與魯

柯而盟魯將盟曹沫末以匕比首短劍劫桓公於壇上

曰反魯之侵地桓公許之已而曹沫去匕首北面就

臣位桓公後悔欲無與魯地而殺曹沫管仲曰許之

而倍信殺之愈一小快耳而棄信於諸侯失天下之

援不可於是與曹沫三敗所亡地於魯諸侯聞之皆

信齊而欲附焉公羊傳曰要盟可犯而桓公不欺曹子可讎而桓公不怨桓公之信著乎

天下自柯之盟始

綱辛丑二年冬晉曲沃見上卷伯稱滅晉弑其君緡

綱癸卯四年冬十二月王使虢公命曲沃伯以一軍

為晉侯是為武公

綱甲辰五年春王崩子闚踐位

惠王名闚釐王之子在位二十五年諡法柔質慈民曰惠

曲沃武公滅晉

子頹作亂

綱 乙巳周惠王元年

綱 丙午二年秋五大夫以王子頹作亂頹出奔溫復

奔衛衛人燕人立頹紀初莊王愛少子子頹欲立為

太子而不克至是大夫邊伯等五人怨王作亂奉子

頹以伐王不克出奔溫今河南懷慶府溫縣蘇子奉子頹奔衛

衛師燕師伐周冬立子頹

王處于櫟

綱 丁未三年春鄭伯厲執燕仲父甫王處于櫟歷紀

鄭伯和王室不克執燕仲父夏鄭伯遂以王歸王處

于櫟鄭別都今河南開封府禹州

王歸王城

綱 戊申四年春虢公鄭伯晉命於弭米鄭地奉王歸于

王城殺子頹及五大夫王賜鄭伯虎牢在開封府汜水縣以

東

晉獻公獲驪姬

綱 己酉五年春晉人獻驪姬姓在陝西西伐驪安府臨潼縣戎獲

驪姬以歸綱 陳人宣殺其太子禦寇公子完與顓孫

奔齊紀陳厲公生子完字敬仲及宣公厲公卒弟莊公立莊公卒

弟宣公立有嬖姬生子款欲立之乃殺其太子禦寇禦寇

素愛厲公之子完完懼禍及於是與顓孫禦寇之黨奔齊

齊侯使敬仲為卿辭曰雞也驕寄也旅客之臣幸若獲宥

敬仲辭卿

綱鑑易知錄

卷之四 周惠王

三

免於罪戾。例君之惠也。敢辱高位，以速也官謗。請以死告。昧死使為工正。掌百工之官飲去聲桓公酒樂。洛公曰：以火繼之，辭曰：臣卜其晝未卜其夜，不敢。

郭君善善惡惡

故亡曰：以其善去聲而惡去聲。公曰：若子言，乃賢君也。何至於亡？父老曰：郭君善善，不能用惡；惡不能去，上所以亡也。

綱甲寅十年夏，王使名郤伯廖聊賜齊侯命。賜命為侯伯

綱已未十有五年秋七月，魯公子牙卒。八月，魯莊公

魯慶父弒子般

卒。子般立。冬十月，魯慶父甫弒般，啓方立。是為綱魯

莊公疾，問後於叔牙。桓公子慶父同對曰：慶父桓公

仲材，問於季友。桓公子對曰：臣以死奉般。班。莊公

曰：鄉者牙曰：慶父材，成季使以君命酖見十一叔牙

曰：飲此，則有後於魯國。不然，死且無後。飲之。卒立叔

孫氏。公薨。子般立。冬，慶父使圉語人犂落賊子般，成

季奔陳。立閔公。莊公庶子是綱公子慶父如齊。國人

綱庚申十有六年。魯閔公春正月，齊人救邢。形綱狄

齊人救邢

綱蓋易知錄

卷之四 周惠王

四

人伐邢今直隸順德府邢臺縣管仲言於齊侯曰戎狄豺狼不

可厭平聲也也諸夏親睦銀入聲不可棄也宴安酖

見同上毒不可懷也齊人救邢綱秋八月魯季子季友歸

于魯綱晉侯獻作二軍滅耿魏為太子申生城曲

沃封趙夙于耿畢萬于魏紀晉侯作二軍周制大國

二軍小國一軍釐王命曲沃伯以一軍為晉侯從小國之制今擅作二軍公將上軍太子

申生將下軍趙夙御戎畢萬為右乘車之法尊者居左御者居中又

人處其右以滅霍今山西平陽府霍州滅耿今平陽府滅魏今

陽府解州惠王九年晉獻公自曲沃徙都絳今平陽府翼

士為論申生

城縣十一年使太子申賜趙夙耿賜畢萬魏以為大

夫此趙魏之始士為委曰太子不得立矣分之都城邑有

之廟而位以卿謂將下軍先為之極無以復加又焉煙得立不

如逃之無使罪至為吳太伯不亦可乎猶有令名與

其及也與其畱而及禍不如逃去猶有善名。倒句

綱辛酉十有七年秋魯慶父弑其君閔公季友以公

子申閔公庶兄如邾曹姓國今山東兗州府鄒縣哀姜莊公夫人慶父皆出

奔閔公之死哀姜與綱冬齊高子齊上卿如魯盟魯公

子申入立是為僖公取慶父于莒今青州府莒州殺之立其後為

魯慶父弑閔公

鶴乘軒

綱十二月狄入衛殺懿公戴公立卒弟燧立是為文公紀

狄人伐衛衛懿公好鶴鶴有乘軒大夫者將戰國人

受甲者皆曰使鶴戰于焚澤今河南開封府榮澤縣衛師敗績

殺懿公衛眾潰會濟河立戴公懿公從弟以廬舍于曹衛

卒是歲齊人立其弟燧文公大布之衣大帛之冠務

材訓農通商惠工敬教勸學授方任能元年革車三

十乘去聲季年乃三百乘

綱壬戌十有八年魯僖公元年春齊師宋師曹師次見七卷第

于聶北地那狄伐那也綱夏六月那遷于夷儀地那齊

三國城那

師宋師曹師城那綱冬十月魯公子友帥師敗莒師

于鄆地魯獲莒挈如莒子弟魯侯賜季友汶問陽之田在

東濟南府泰安州及費祕今兗州府費縣是為季孫氏

綱癸亥十有九年春正月諸侯城楚丘今直隸大名府滑縣以

封衛綱夏五月虞師晉師伐虢滅下陽紀晉荀息以

屈櫛產之乘與垂棘之璧假道于虞以伐虢虞公許

之宮之奇諫不聽遂起師夏晉里克荀息帥師會虞

師伐虢滅下陽今山西平陽府平陸縣為虞虢之塞邑下陽舉而虞虢亡矣故書曰滅

綱乙丑二十有一年春正月齊侯桓公宋公相魯侯僖公

諸侯城楚丘

陳侯宣衛侯文鄭伯文許男穆曹伯昭侵蔡蔡潰會

遂伐楚次于陘刑楚屈完來盟于師盟于召陵郟

齊侯以諸侯之師侵蔡蔡潰遂伐楚無鐘鼓日侵有

日潰楚子成使問師故管仲對曰昔召康公命我先

君太公曰五侯五等九伯九州女汝實征之以夾輔

周室爾貢包茅不入王祭不共供無以縮酒包裹束

茅也禹貢荊州貢菁茅縮酒束茅立也茅菁寡人是徵問昭

王南征而不復見上卷寡人是問對曰貢之不入罪

也敢不共給昭王之不復君其問諸水濱昭王時漢

齊桓責楚

晉獻公殺申生

故不受罪師進次于陘楚地在河南開楚子使屈完如師

師退盟于召陵在郟城

綱丙寅二十有二年春晉侯殺其世子申生紀初晉

獻公以驪姬為夫人生奚齊其娣生卓子及將立奚

齊姬謂太子曰君夢齊姜太子必速祭之太子祭于

曲沃太子居歸胙于公公田姬寘同諸宮六日公至

毒而獻之驪姬謂公酒食自公祭之地地墳上聲

起與犬斃與小臣小臣亦斃姬泣曰賊由太子太

子奔新城曲沃公殺其傅附杜原款或謂太子子辭君

周惠王

周惠王

二

必辨焉。言子若有辭於公。公必辨其奸。太子曰：君非驪姬，居不安食

不飽。我辭姬必有罪，君老矣，吾又不樂。洛。我辭則姬死。姬死則

君不樂不樂，蓋由吾也。曰：子其行乎？太子曰：君實不察其罪，被

此名。欲弒君也。以出人誰納我？縊意。于新城，姬遂譖

二公子。重耳、夷吾。曰：皆知之。重耳奔蒲。今山西平陽府蒲縣。夷吾

奔屈。今平陽府吉州。綱：夏齊侯、宋公、魯侯、陳侯、宣

衛侯、鄭伯、許男、曹伯會于首止。衛地。

在河南衛輝府淇縣。紀惠王以惠后故將廢太子鄭而立王子

帶。惠王少子，惠后所生。故齊桓公帥諸侯會王世子以定其位。

首止之會

綱：秋九月，虞大夫百里奚奔秦，秦始得志於諸侯。綱

冬十二月，晉人滅虢，虢公醜奔京師，遂滅虞，執虞公，

歸其職貢於王。

綱：已巳，二十有五年，冬十二月，王崩，太子鄭踐位。

襄王。名鄭，惠王之子，在位二十三年，諡法辟地有德曰襄。

綱：庚午，周襄王元年，夏，宰周公會齊侯、魯侯、宋

子、衛侯、鄭伯、許男、曹伯于葵丘。在東青州府臨淄縣。

綱：王使宰孔賜齊侯，昨使無下拜。下階對

曰：天威不遠，顏咫尺。君尊如天，其威嚴常在。顏面之前，八寸曰咫。小白

葵丘之會

里克殺奚齊弒卓友荀息

余敢貪天子之命無下拜恐隕越于下以遺去天子。
蓋隕越顛墜也恐得罪於天而顛墜於下適足以貽天子之辱敢不下拜下拜登受。
綱晉獻公卒奚齊立冬晉里克殺其君之子奚齊荀息立奚齊之弟卓里克弒其君卓及其大夫荀息。
紀初獻公使荀息傅奚齊公疾召之曰以是藐諸孤。
奚齊幼賤於諸子辱在大夫。
屈辱荀息保護之其若之何對曰臣竭股肱之力加之以忠貞其濟君之靈也不濟則以死繼之冬十月里克申生殺奚齊于次書曰殺其君之子未葬也荀息將死之人曰不如立卓子而輔之。

荀息不食言

荀息立公子卓以葬十一月里克殺公子卓于朝荀息死之。

文定胡氏曰荀息者奚齊卓子之傅也君弒而死於難書及所以著其節書大夫不失其官也于荀息何取焉若息者可謂不食其言矣或曰息既從君於昏不食其言庸足取乎世衰道微人愛其情私相疑貳以成傾危之俗至於刑牲敵血要質鬼神猶不能固其約也孰有可以託六尺之孤寄百里之命臨死節而不可奪如息者哉自古皆有死民無信不立故聖人以信易食而君子以信易生息不食言其可少乎。

綱辛未二年夏四月周公忌父王子黨會秦師及

齊隰朋立管公子夷吾為晉侯。
是為惠公

禮幹敬與

綱壬申三年春王使召郟武公內史過戈賜晉侯命
紀晉侯受玉惰玉瑞玉諸侯即位天子賜之命圭為瑞過歸告王曰晉
 侯其無後乎王賜之命而惰于受瑞先自棄也已其
 何繼之有禮國之幹也國恃禮而立猶木恃幹而立敬禮之與也
 敬載禮而行循車載人而行不敬則禮不行禮不行則上下昏何
 以長世

管仲辭上卿之禮

綱癸酉四年秋王子帶奔齊紀王子帶見上以戎入
 寇王討之王子帶奔齊齊侯桓使管夷吾平和戎于
 王王以上卿命天子之禮饗之辭曰臣賤有司也有天

子之二守國高在國子高子天子所命為齊守臣皆上卿也若節春秋來
 承王命何以禮焉節時也若春秋時事國高來周奉承王命臣既受上卿之禮王將何以禮陪臣敢辭諸侯之臣稱於天子曰陪臣王曰舅氏天子稱異姓諸侯曰伯舅故其使稱舅氏余嘉乃勳應乃懿德謂督不忘往踐乃職
 無逆朕命言我嘉美汝之功勳報應汝之美德謂汝功德督厚不可忘其往居汝之職位無違
 命也管仲受下卿之禮而還

仁山金氏曰五霸桓公為盛而周室戎狄之禍自若王子帶以戎伐周天下之大罪也桓公不能計而平戎于王豈以受子帶之奔為此姑息耶桓公身不能容子糾而為王容叔帶固將曲全襄王兄弟之愛未免卒釀王室異日之禍云

綱丙子七年冬齊大夫管仲卒紀仲病桓公問羣臣

誰可相者仲曰知臣莫如君公曰易牙即雍巫如何

對曰殺子以適君桓公欲嘗蒸兒之味非人情不可

開方衛公子如何曰倍親以適君非人情難近豎刁閹

如何曰自宮割勢之刑以適君非人情難親仲死而桓公

不用其言近用三子三子專權

齊桓用三子
管仲不知本

老泉蘇氏曰齊國不患有三子而患無仲有仲則三子者三匹夫耳不然天下豈少三子之徒哉雖威公幸而聽仲誅此三人而其餘者仲能悉數而去之耶嗚呼仲可謂不知本者矣因威公之問舉天下之賢者以自代則仲雖死而齊固未為無仲也夫何患三子者不言可也

綱丁丑八年春正月隕石隕星也于宋五六鷓退飛

鷓水鳥高飛遇風而退過宋都後五年宋襄有孟之執又明年有泓之敗天之示人顯矣

石隕鷓飛
齊桓五子爭立

綱戊寅九年冬十二月齊侯小白卒五子爭立桓公卒五公子各樹黨爭立桓公子六人武孟無虧惠

潘懿公商人子雍先是易牙請桓公立無虧許之公卒五公子爭立遂相攻以故宮中

空莫敢棺桓公尸在牀上六十七日尸蟲出于戶易

牙立無虧後為齊人所殺孝公奔宋

綱壬午十有三年秋宋公襄楚子成陳侯穆蔡侯莊

鄭伯文許男僖曹伯共會于孟宋地執宋公以伐宋公羊

孟之會

傳孰執之。楚子執之。曷為不言楚子執之。不與夷狄之執中國也。

泓之戰

綱癸未十有四年夏王召叔帶于齊從富辰之請也綱冬十

一月宋公襄公及楚人戰于泓弘宋師敗績紀鄭伯如

楚宋公伐鄭楚人伐宋以救鄭宋公及楚人戰于泓

水名宋人既成列列陳已定楚人未既濟未盡度泓水司馬子魚

曰彼衆我寡請及其未既濟擊之公曰不可既濟而

未成列又以告公曰未可既陳陣而後擊之宋師敗

績公傷股門官殲尖也。盡殺也焉國人皆咎公公曰君子

不重去聲。再也傷不禽同。擒也二毛頭黑。白色古之爲軍也不以

宋襄之仁

阻隘也阻迫也隘險也寡人雖亡國之餘宋商之後故云不

鼓鳴鼓不成列世笑以爲宋襄之仁

綱甲申十有五年秋九月晉惠公卒子圉語嗣是爲

綱乙酉十有六年春正月晉公子重耳入于晉使殺懷公

于高梁。高梁在山西平陽府洪洞縣綱王使王子虎內史興錫晉侯

命是爲文公綱晉侯賞從亡之臣紀初文公出奔十九年

而後反國嘗餒於曹介子推割股以食寺之及歸賞

從亡者狐偃趙衰催顛頡魏犢酬而不及子推子

推之從去聲者懸書宮門曰有龍矯矯頃失其所五蛇

龍蛇之歌

重耳入晉

寒食

介山

王出居鄭

晉文逆王

從之周流天下龍飢乏食一蛇到奎股龍返於淵安其壤土四蛇入穴皆有處所一蛇無穴號毫於中野公曰噫寡人之過也使人求之不得隱地名在平陽府縣界山中焚其山子推死焉後人為去之寒食是日禁烟文公環縣上田封之號曰介山綱秋王廢狄后王以狄女于諸侯通焉王廢隗氏王子帶以狄入寇王出居于鄭告難

綱丙戌十有七年夏四月晉侯文逆王入于王城王賜之田紀秦伯穆師于河上將納王狐偃言於晉侯

襄王不許請隧

伐原示信

曰求諸侯莫如勤王諸侯信之且大義也晉侯辭秦師而下右師圍溫時叔帶居溫今河南懷慶府溫縣左師逆王王入于王城取叔帶于溫殺之晉侯朝王請隧掘地通路曰隧天子弗許曰王章也隧為王者之表章與諸侯異物未有代德天子稱同姓之而有二王用隧是亦叔父之所惡也諸侯曰叔父乃賜以陽樊溫原欒攢茅之田割四邑以與晉○冬晉侯圍原文王子命三日之糧原不降杭命去之謀迭今出曰原將降矣軍吏請待之公曰信國之寶也民之所庇祕也得原失信何以庇之所亡滋多退一舍而

原降三十里為一舍

綱戊子十有九年冬楚人成陳侯穆蔡侯莊鄭伯文

許男僖圍宋紀楚子及諸侯圍宋宋公孫固如晉告

急先軫曰報施救患晉文出亡宋襄贈之以馬二十乘取威定霸於

是乎在矣狐偃曰楚始得曹而新昏於衛若伐曹衛

楚必救之則宋免矣於是蒐搜也治于被廬晉地作三

軍謀元帥趙衰曰郤穀解可說悅禮樂而敦崇也詩書

詩書義之府也禮樂德之則也德義利之本也乃使

郤穀將中軍

說禮樂而敦詩書

衛晉文伐曹

綱已丑二十年春晉侯侵曹晉侯伐衛楚人救衛胡

公子重耳之出亡也曹衛皆不禮焉至是綱三月晉

侯入曹執曹伯共宋人左傳執曹伯分曹綱夏

四月晉侯齊師宋師秦師及楚人戰于城濮衛地楚

師敗績綱冬王狩于河陽今河南懷慶府溫縣綱諸侯會于溫

即河陽也晉侯召王以諸侯見且使王狩仲尼曰以臣召

君不可以訓故書曰天王狩于河陽

南湖水氏曰史記書名尊臣而身君記事之直筆也春秋書狩正名而定分救世之微權也

綱癸巳二十有四年冬晉侯重耳卒子驪嗣是為襄公

城濮之戰

天王狩于河陽

仁山金氏曰晉文霸功不及齊桓之盛而晉世主夏盟齊桓霸止其身蓋齊桓之家不治而晉文之家治也有國者不可不知治亂之本矣

綱甲午二十有五年春二月秦人入滑姬姓國在河南府偃南河南府偃

晉敗秦師于殺

南師縣夏四月晉人及姜戎敗秦師于殺地名在河南府澠池縣西

陳氏曰晉之霸秦有力焉自城濮以來無役不從也文公未葬襄公墨衰及姜戎氏要秦師于殺敗之秦晉之構綱冬十二月魯僖公卒子興嗣是為文公怨自是始

綱丁酉二十有八年春秦人伐晉紀秦伯穆公伐晉濟

濟河焚舟

河焚舟取王官及郊王官郊晉地晉人不出遂自茅津在

西平陽府平陸縣濟封埋藏也殺尸而還遂霸西戎用孟明也

不以孟明殺師之敗而仍用之故也

綱庚子三十有一年夏秦穆公卒子罃英嗣是為康公紀

穆公卒葬雍今陝西鳳翔府鳳翔縣以子車居氏秦大夫之三子

三良為殉

奄息仲行枕鉞虎為殉以人從葬為殉皆秦之良也國人

哀之為去聲賦黃鳥國風篇名

綱壬寅三十有三年秋八月王崩子壬臣踐位

頃王名壬臣襄王之子在位六年諡法甄心動懼曰頃

毛伯求金

綱癸卯周頃王元年春毛伯毛姬姓國伯如魯求金

二月魯叔孫得臣叔牙之孫如京師辛丑葬襄王

仁山金氏曰：襄王之喪，公孫敖之幣不至，於是
有求金之使焉。頃王初政如此，其後頃王崩，葬
遂不見於春秋矣。魯固
不恪，而頃王為已褻矣。

綱丁未五年夏，邾文公卒，子糺角且疽嗣。是為糺初

曹姓國，今山東兗州府鄒縣。文公卜遷于繹。山名在鄒縣。史曰：利

於民而不利於君，邾子曰：苟利於民，孤之利也。天生

民而樹之君，以利之也。左右曰：命可長也。君何弗為？

邾子曰：命在養民，死之短長時也。民苟利矣，遷也吉。

莫如之。遂遷于繹。五月，邾子卒，君子曰：知命。

綱戊申六年春，王崩，子班踐位。

邾子知命

匡王名玃，頃王之子，在位六年。年諡法貞心大度曰匡。

綱己酉周匡王元年冬十一月，齊侯懿公侵魯西鄙，遂

伐曹，入其郭。**紀**齊侯侵魯，遂伐曹，入其郭也。討其

朝魯也。季文子曰：齊侯其不免乎？已則無禮。懿公弑

立而討於有禮者。諸侯相朝禮也。曰：女何故行禮？禮以順

天。天之道也，已則反天，而又以討入，難以免矣。

綱壬子四年春，魯文公卒，子赤嗣。秋，魯公子遂即

仲弑其君之子赤及公子視。赤母立公子倭。威是

綱甲寅六年秋九月，晉趙盾豚上弑其君夷臯。靈公迎

趙盾弑其君

綱鑑易知錄

卷之四

十五

襄公弟黑臀

豚

于周立之

是為成公

紀初靈公

襄公

不君

厚斂以雕牆

牆雕畫

從臺上彈

平聲

人而觀其避丸

彈也

宰夫胹

而煮也

熊蹯

熊掌

不熟殺之

寘

同

諸畚

土器

以

草索

為之

使婦人載以過

朝

不欲令人知

宣子

趙盾

驟諫

公患之

使鉏

鉏鉏

麇

力七

賊之

晨往

寢門關矣

盛服

將朝尚早

坐而假寐

不解衣

麇退

歎而言曰

不忘恭

敬民之主也

賊民之主

不忠棄君之命

不信

有一於

此不如死也

觸槐

趙盾庭樹

而死

秋九月

晉侯飲

去聲

趙盾

酒伏甲

將殺之

靈輒免之

靈輒

鬻桑之餓人也

家盾肉食之賜時為靈公甲士

鉏麇觸槐而死

故免盾於難

遂自亡也

趙穿

盾從父昆弟子

攻靈公於桃園

宣子

未出境而復

聞公弒而還

太史

董狐

書曰

趙盾弒其君

以示

于朝

宣子曰

不然

對曰

子為正卿

亡不越境

反不討

賊非子而誰

宣子曰

嗚呼

我之懷矣

自貽伊慙

二句逸詩

也言人多所懷

意則自遺之憂

其我之謂矣

綱冬

十月

王崩

弟瑜立

定王

名瑜匡王之弟在位二十一年諡法安民法古曰定

綱乙卯

周定王元年

春

楚子

伐陸渾之戎

王使王

孫滿勞

去聲

楚子

紀

楚子伐陸渾之戎

秦晉所遷於伊川者

遂至

于雒

同洛

觀

貫

兵于周疆

觀示也示兵

王使王孫

周都

周定王

一

二

王孫滿對
楚子問鼎

滿勞之楚子問鼎之大小輕重焉禹之九鼎三代相傳猶後世傳國璽也楚子問鼎有對曰在德不在鼎昔夏之方有德也

鑄鼎象物鑄九鼎以象九州用能協于上下以承天休上下和協

以受天德之休明雖小重也鼎非加大而不可其姦遷移若增重然

回昏亂雖大輕也鼎非加小而湯武遷移若增重然天祚明德有所

底止必到盡頭周德雖衰天命未改鼎之輕重未可問也

綱甲子十年春楚子莊圍鄭王夏六月晉荀林父甫

帥師及楚子戰于邲鄭地晉師敗績綱晉屠岸賈古

殺趙朔于下宮滅其家紀晉景公成公時趙盾卒子

邲之戰

程嬰杵臼
存孤

朔嗣朔娶晉成公姊子莊姬屠岸賈始有寵於靈公

至景公三年賈為司寇乃治靈公之賊徧告諸將曰

盾雖不知猶為賊首以臣弑君子孫在朝何以懲罪

遂攻趙氏於下宮殺趙朔滅其族朔妻有遺腹走公

宮匿既免同身生男賈聞之索於宮中夫人置兒絝

庫中祝曰趙宗滅乎若汝號毫即不滅若無聲及索

兒無聲已脫朔客公孫杵臼謂朔友程嬰曰立孤與

死孰難嬰曰死易立孤難耳杵臼曰子強為其難者

吾為其易者請先死杵臼取他兒匿山中嬰出謬曰

周定王

魯易稅畝

與我千金。吾告趙氏孤處。賈喜乃使人隨嬰殺杵臼。及兒而趙氏真孤在。嬰與俱匿山中。名曰武。

綱丁卯十有三年秋魯初稅畝。周制徹法大率民得其一則為什而取一矣

宣公稅畝又逐畝什取其一則為什而取一矣

綱庚午十有六年冬十月魯宣公卒子黑肱嗣。是為成公

魯作丘甲

綱辛未十有七年。魯成公元年春三月魯作丘甲。十六井為丘四

丘為甸甸出甲土三人今使丘出之書作丘甲譏重斂也

綱壬申十有八年夏四月衛孫良夫帥師及齊戰于

新築衛師敗績衛與新築人曲縣同繁盤纓紀衛孫

桓子良夫帥師及齊師戰于新築衛地敗績新築人仲叔

于奚救之桓子是以免衛賞之邑辭請曲縣縣縣鐘磬也曲

縣軒縣也周禮天子樂宮縣四面諸侯軒縣闕南方繁纓馬飾亦諸侯之服以朝許之

孔子曰惜也不如多與之邑唯器與名爵號不可以

假人若以假人與人政也政亡則國家從之**綱**六月

魯季孫行父甫臧孫許叔孫僑如公孫嬰齊帥師會

安董之戰

晉郤克衛孫良夫曹公子首及齊侯頃戰于鞏齊地

齊師敗績

綱乙亥二十有一年冬十一月王崩子夷踐位。

簡王名夷定王之子在位十四年諡法平易不訾曰簡

綱丙子周簡王元年夏四月晉遷于新田晉獻公自曲沃徙都絳邑今山西平陽府翼城縣景公遷于新田亦號絳邑今平陽府絳縣以絳為故絳

吳入州來

綱丁丑二年秋八月吳入州來紀初楚之討陳夏氏

也陳靈公淫於夏徵舒之母徵舒弑靈公楚莊計之殺徵舒楚莊欲納夏姬徵舒之母

申公申邑之尹巫臣諫止之楚令尹子反欲取娶之巫臣

又諫子反亦不敢取夏姬鄭女也楚莊使之歸鄭及

巫臣娶夏姬

楚共恭即位巫臣奉命聘齊遂過鄭取之以奔晉子

反以為賣已遂族巫臣之家巫臣怨楚晉楚世為仇

敵巫臣請於晉侯景公乞通吳今江南蘇州府於晉合力以牽

制楚師於是晉侯使巫臣聘吳吳子壽夢說之巫臣

乃教吳車戰使之伐楚八月吳入州來楚邑故城在江南鳳陽府

壽楚於是始疲於奔命

仁山金氏曰按春秋吳入州來州來楚邑也而不繫之楚此天下之變也州來今淮蔡之地入州來非獨楚之憂諸夏之憂亦自是始矣

綱庚辰五年秋晉程嬰攻屠岸賈滅其族復趙氏紀

晉景公疾韓厥子獻言於晉侯曰成季趙衰之勳宣孟趙盾

之忠而無後為善者其懼矣景公因韓厥之眾以脅

韓厥請立趙後

諸將而見趙武諸將乃曰昔下宮之難去聲屠岸賈矯命為之今君有命立趙後羣臣之願也於是召趙武程嬰徧拜諸將遂與攻屠岸賈滅其族復與武田邑如故及趙武冠貫成人程嬰乃辭諸大夫謂武曰昔下宮之難我非不能死思立趙氏之後今武既立我將下報官孟與公孫杵臼遂自殺武服齊衰三年為之祭邑春秋世祀勿絕

程嬰立武自殺

綱乙酉十年春三月諸侯立曹公子臧辭不受奔宋
紀晉侯厲會諸侯于戚衛討曹成公也簡王八年晉

子臧守節

曹宣公卒于師宣公弟負芻殺世子而自立是為成公執而歸諸京師諸侯將見現子臧宣公庶子于王而立之子臧辭曰聖達節聖人無不次守節謂賢者下失節愚者為君非吾節也雖不能聖敢失守乎遂逃奔宋

綱丙戌十有一年夏六月晉侯厲及楚子共鄭伯成

戰于鄆煙陵楚子鄭師敗績楚殺其大夫公子側子反

紀鄭叛晉即楚晉伐鄭楚救之六月晉楚遇於鄆陵

鄭邑今河南開封府鄆陵縣諸將請從之請從之戰范文子上獨不欲戰曰唯聖人能內外無患自非聖人外寧必有內憂

外寧必有內憂

盍釋楚以為外懼乎。欒書卻至不從，遂戰。大敗楚師。射石，楚子中目，子反醉不能見。楚子宵遁，子反自殺。
 [綱] 丁亥，十有二年，冬，晉殺其大夫卻錡、卻躒。卻至。
 [綱] 戊子，十有三年，春，正月，晉殺其大夫胥童。庚申，晉欒書中行偃弒其君州蒲。厲公晉人逆公孫周于京師，立之。是為悼公紀晉范文子反自鄆陵，使其祝宗祈死，曰：君驕侈而克敵，是天益其疾也，難將作矣。愛我者惟祝我，使我速死，無及於難。范氏之福也。六月，士燮卒。晉厲公侈多外嬖，反自鄆陵，欲盡去上聲羣大夫而立。

范文子祈死

其左右胥童以胥克胥童父之廢也，怨卻氏而嬖於厲公。既殺三卻，卻錡、卻躒、卻至，胥童以甲劫欒書中行偃於朝。公曰：一朝而殺三卿，余不忍益也。公使胥童為卿，公遊于匠麗。複姓氏，欒書中行偃遂執公，殺胥童。正月，庚申，使程滑弒厲公。晉荀偃士魴房逆也迎公孫周襄公會孫于京師而立之。悼公生十四年矣，而甚賢明，使魏相士魴、魏頡頁趙武為卿，民無謗言，所以復霸也。
 [綱] 秋，八月，魯成公卒，子午嗣。是為襄公
 [綱] 己丑，十有四年，魯襄公元年，秋，九月，王崩，子泄心踐位。

周靈王

靈王名泄心簡王之子生而有髭在位二十七年諡法亂而不損曰靈。髭音咨下曰鬚上曰髭。

綱庚寅周靈王元年冬晉荀營齊崔杼暑宋華元魯

仲孫蔑衛孫林父甫曹人邾人滕人薛人小邾人會

于戚衛邑在直隸大名府開州水縣鄭叛晉從楚為中國之患恃虎牢之巖險耳故會戚以謀鄭城虎牢以逼之。遂城虎牢

綱壬辰三年冬晉大夫魏絳盟諸戎山戎子紀無終

嘉父甫使孟樂如晉因魏莊子魏絳納虎豹之皮以請和諸戎晉侯公曰戎狄無親不如伐之魏絳曰和戎

有五利焉戎狄薦聚居貴貨易異。土以資財為重輕也。以土地為輕。

戎魏絳請和

城鄭虎牢

土可賈古焉其地所產一也邊鄙不聳也。民狎也。其

野穡種日稼人成功二也戎狄事晉四隣振動諸侯

畏懷三也。以德綏戎師徒不勤甲兵不頓壞也四也。鑿

于后羿見一卷三十二晉侯好畋故魏絳及之。而用德度遠至邇安五

也。公說使絳盟諸戎

綱丁酉八年冬晉侯悼宋公平魯侯襄衛侯獻曹伯

成莒子邾子滕子薛伯杞伯小邾子齊世子光伐鄭

十一月同盟于戲希紀盟于戲鄭服也晉侯歸謀

所以息民魏絳請施舍施恩惠也。積聚以貸於民。

晉悼公謀息民

自公以下苟有積者盡出之國無滯積亦無困人。公無禁利亦無貪民。祈以幣更耕。祈禱。賓以特牲賓。宴。止用器用不作仍舊而新。車服從給足用而不求美。行之期年國乃有節三駕三與。師。而楚不能與爭。

綱 已亥十年秋晉侯宋公魯侯衛侯曹伯齊世子光莒子邾子滕子薛伯杞伯小邾子伐鄭會于蕭魚紀會于蕭魚鄭地。及鄭平鄭人賂晉以歌鐘罍博。皆樂器。磬女樂晉侯以其半賜魏絳曰子教寡人和諸戎狄以正諸夏八年之中九合諸侯如樂之和無所不諧請

魏絳辭樂

與子樂之辭曰夫和戎狄國之福也九合諸侯諸侯無憾君之靈也二三子之勞也臣何力之有焉抑。臣。願君安其樂而思其終也公曰子之教敢不承命夫賞國之典也子其受之絳於是始有金鐘。石。磬。之樂。**綱** 庚子十有一年秋九月吳子乘即壽。夢。卒長子諸樊嗣。紀。壽夢有子四人長曰諸樊次曰餘祭債。次曰餘昧次曰季札季札賢壽夢欲立之札讓不可於是立長子諸樊。

綱 庚戌二十有一年冬十一月孔子生。史記孔子生魯昌平鄉陬。

孔子生

邑其先宋人也曰孔防叔防叔生伯夏伯夏生叔梁紇紇娶顏氏女名曰徵在禱於尼丘魯襄公二十二年而生孔子生而岸頂故因名曰丘字音歐音鄒紇仲尼孔子生而叔梁紇卒葬于防山
 綱癸丑二十有四年夏五月齊崔杼暑弑其君光公

立其弟杵臼是為景公紀崔武子崔杵見棠姜棠公之妻而美之

崔杼弑其君

遂取娶之莊公通焉崔子弑之太史書曰崔杼弑其

君崔子殺之其弟嗣書而死者二人其弟又書乃舍

之南史氏齊史之在外者聞太史盡死執簡以往聞既書矣

乃還

綱丙辰二十有七年冬王崩太子晉母弟貴踐位

景王名貴靈王之子在位二十五年謚法由義而齊曰景

綱丁巳周景王元年夏吳子餘昧使札聘于魯紀吳使

季札聘于魯請觀於周樂魯人為去聲奏六代黃帝堯舜禹湯

武之樂過戈徐徐國名今江南鳳陽府泗州徐君愛其寶劍季子心

知而許之使去聲還徐君已歿遂解劍懸其墓而去

綱戊午二年冬鄭使公孫僑為政紀子產僑名為政使

都鄙國邊鄙有章車服各有尊卑上下有服衣冠不得僭侈田有封洫

封疆溝洫井田之限廬舍井有伍五家相保從政一年輿人誦之曰

取我衣冠而褚杵藏也之取我田疇而伍之孰殺子產

解劍懸墓

輿人誦子產

吾其與之。及三年，又誦之曰：我有子弟，子產誨之。我有田疇，子產殖之。子產而死，誰其嗣之。○鄭人游於鄉校，以論執政。然明音茂也謂子產毀鄉校，如音宗何。子產曰：夫人朝潮夕早見日朝，暮見日夕退而游焉，以議執政之善否。其所善者，吾則行之；其所惡者，吾則改之。是吾師也。若之何毀之。我聞忠善以損怨，不聞作威以防房怨。豈不遽止，然猶防川。大決所犯，傷人必多。吾不克救也。不如小決使道導，不如吾聞而藥之也。仲尼聞之曰：人謂子產不仁，吾不信也。

子產不毀鄉校

綱 己未三年夏六月，魯襄公卒于楚宮。襄公子野立。

秋九月，子野卒。公子稠儔立。是為昭公

綱 辛酉五年春，晉使韓起聘于魯。**紀** 晉侯平使韓宣

子韓聘于魯，觀書於太史氏，見易象彖爻也，文王周公所繫之辭。

與魯春秋魯史也，遵周公之典以序事。曰：周禮盡在魯矣。吾乃今

知周公之德，與周之所以王去聲也。

綱 癸亥七年秋，鄭作丘賦。**紀** 鄭子產作丘賦。丘，十六

馬一匹，牛三頭，今子產別賦其田，謂之丘賦。國人謗之曰：其父子死於路

所殺尉氏，已為蠆釵去聲尾。重賦毒民，如蜂蠆之尾。以令於國，國將

鄭作丘賦

周景王 二六

若之何子寬渾以告子產曰何害苟利社稷死生以
 用之詩曰禮義不愆何恤於人言逸吾不遷改矣渾
 罕曰君子作法於涼薄其敝同猶貪作法於貪敝將
 若之何

鄭人鑄刑書

綱乙丑九年春鄭人鑄刑書鑄刑書於鼎以爲國之常法

綱己巳十有三年秋七月孔子生伯魚**紀**孔子年十

九娶于宋弁便官氏一歲而生伯魚魚之生也魯昭

公以鯉賜孔子榮君之貺故因以名曰鯉而字伯魚

綱己卯二十有三年冬十二月鄭大夫公孫僑卒**紀**

古之遺愛

子產有疾謂子太叔游曰我死子必爲政唯有德者
 能以寬服民其次莫如猛夫火烈民望而畏之故鮮
 上聲死焉水懦弱民狎而翫玩之則多死焉故寬難子
 產卒仲尼聞之出涕曰古之遺愛也

綱辛巳二十有五年夏四月王崩子猛踐立是爲悼王

十月王子猛卒母弟匄蓋立**紀**初太子壽先卒次子

猛少子朝朝有寵王欲立之未果至是王崩單善子

劉子立猛子朝因舊官百工之喪職秩者帥上要餞邑

之甲以逐劉子劉子奔揚邑單子奉子猛于莊宮

子朝之徒夜使人取猛以歸單子出奔子朝之徒奉王猛以追單子晉人帥師納王猛于王城冬王猛卒立其母弟王子匄

敬王名匄景王之子在位四十四年諡法合善典法曰敬

綱壬午周敬王元年秋七月天王居于狄泉在洛陽城外時

敬王居于狄泉謂之東王子朝入于王城謂之西王春秋書曰天王居于狄泉黜子朝也尹氏立

子朝

綱乙酉四年冬十月王入于成周尹氏召伯毛伯以王子朝奔楚

天王居于狄泉

綱丁亥六年秋七月魯顏回生

綱辛卯十年冬十二月魯昭公卒于乾侯晉邑今平府成安縣先是公如晉次于乾侯

綱壬辰十有一年夏六月魯季孫意如廢世子而立昭公之弟宋是為定公

綱乙未十有四年冬十一月蔡侯以吳子闔及楚

人戰于柏舉楚地楚師敗績楚囊瓦出奔鄭庚辰吳入

郢紀初蔡昭侯朝楚楚令尹子常囊瓦不加禮而求賂

蔡侯怨之以其子為質至於吳乞師伐楚於是吳王

闔閭與蔡侯唐侯伐楚子常禦之楚吳二師陳于柏舉

闔閭之弟夫槩王先擊子常之卒卒奔楚師亂吳師

大敗之子常奔鄭吳師及郢楚都今湖廣荆州府楚子昭王出奔

于隨吳人入郢處於其宮

綱丙申十有五年夏六月楚申包胥以秦師至敗吳

師紀初伍員與申包胥友皆楚人也員父奢

為楚平王昭王所殺員奔吳與包胥別員曰我必覆

楚包胥曰我必復之員既奔吳遂道吳伐楚既入

郢遂鞭平王之屍包胥乃如秦乞師秦伯哀公使就館

伍子胥覆楚申包胥復楚

包胥依於庭牆而哭日夜不絕飲食不入口七日秦

哀公為去聲之賦無衣詩秦風篇名取與子同仇之義乃為之出師申

包胥以秦師至吳師大敗吳子乃還秋楚子入于郢

子胥不以義掩親

休寧程氏曰父子之親君臣之義一也不幸而處其變則如之何曰當權其中使親義不至於偏廢焉耳以有過之父見誅於有道之君則不敢以親賊義無廢而禹與是也以無過之父見殺於無道之君則不敢以義掩親伍奢見殺而子員復仇是也彼平王殺其子妻其婦獎奸回者廢昏立明可也顧員上不能為湯武下不能為伊霍至憤其志亦可悲矣世固謂其逆天傷義者豈知處變之理哉昔張良以五世相韓憤秦之滅其宗也則佐高帝誅秦而立韓公子成及項羽

殺成則又佐高帝襲殺羽於固陵。讎復恥雪則遂謝病。辟穀託從赤松子遊。以明其心。之為韓使員當入郢後。投戈解印。翩然辭吳之爵。祿退處於深山窮谷之中。以示其所遭之不幸。豈不可以盡全歸之孝哉。惜其志不足及此。反以讒見禍於他人之手也。

清源楊氏曰。平王雖無道。君也。子胥之父兄雖賢。臣也。君以有罪殺其臣。則臣之罪也。君以無罪殺其臣。則臣之命也。故臣之獲罪於君也。有懼而無怨。有受而無報。由子胥言之。則平王父兄之讎也。不知伍人殺其父兄。則讎也。以君殺之。非罪則命焉。是不幸也。非讎也。故於父兄也。有痛而已矣。於君也。有懼而已矣。君不疑及之。而欲任之。則不敢逃也。君疑及之。則逃也。終身自匿。不敢有怨言焉。吳楚世讎也。子胥逃之。吳其心專欲報楚也。然吳勝則楚亡。楚勝則吳亡。而子胥無與焉。於吳似忠而詐於楚。似孝而逆。吳無功而楚有罪。其子胥乎。且子胥父兄之死。

忠詐孝逆

為楚之社稷重也。今子胥以兵入郢。是欲亡楚之社稷也。其父兄欲存之。其子弟欲亡之。非其父兄之志也。雖然子胥於伍奢則孝矣。於夫差則忠矣。可不謂賢哉。

綱冬魯曾參生

魯以孔子為中都宰

綱庚子十有九年夏魯以孔子為中都宰**紀**孔子為

中都今山東兗州府東平州宰制為養生送死之節長幼異食

強弱異任男女別途路無拾遺器不彫偽為四寸之

棺五寸之槨因丘陵為墳不封封上不樹植木行之一年

而四方諸侯則焉定公謂孔子曰學子此法以治魯

國何如孔子對曰雖天下可平何但魯國而已哉

綱

周敬王

魯以孔子為大司寇

綱 辛丑二十年春魯以孔子為司空進為大司寇

夏魯侯公會齊侯于夾谷 紀齊使使告魯為

夾谷之會

好會會於夾谷 山名一名祝其在山 孔子相 去聲 曰

臣聞有文事者必有武備請具左右司馬以從 去聲 既

會齊有司請奏四方之樂於是旗旄劍戟鼓譟而至

孔子趨而進曰吾兩君為好夷狄之樂何為於此齊

侯心作麾之 使退 齊有司請奏宮中之樂優倡 女 侏儒

短小 戲而前孔子趨而進曰匹夫熒惑 煽亂 諸侯者

罪當誅請命有司加法焉首足異處景公懼歸語 去

其臣曰魯以君子之道輔其君而子獨以夷狄之道

教寡人於是齊人乃歸所侵魯鄆 運今兗州府鄆城縣 汶陽

今兗州府汶上縣 龜陰 地名在兗州府泗水縣龜山之北 之田

綱 癸卯二十有二年夏魯叔孫州仇帥師墮 揮郕后

魯季孫斯仲孫何忌帥師墮費 祕 冬魯侯圍成弗克

紀 孔子言於定公曰家不藏甲邑無百雉 長三丈高一丈為雉

之城使仲由為季氏宰將墮 毀也 三都 三家私邑費郕

國書故 於是叔孫氏墮郈季氏墮費公斂處父 孟氏

不肯墮成冬公圍成不克 或問成既不墮孔子如何

都孔子墮

去魯矣若使久居之自須有個處置

魯以孔子攝相事孔子誅少正卯

綱甲辰二十有三年冬魯以孔子攝相事與預聞國政。紀孔子為魯相攝朝七日而誅少正。復卯。門人問曰少正卯魯之聞去聲人也。有聲聞之人夫子為政而始誅之得無失乎孔子曰人有大惡者五而盜竊不與焉。一曰心達而險。二曰行僻而堅。三曰言偽而辯。四曰記醜惡也而博。五曰順非而澤。潤也此五者有一於人則不免於君子之誅而少正卯兼有之其居處足以聚徒成羣言談足以飾邪熒惑也衆彊足以反是獨立

七子異世同心

此小人之桀雄也不可以不誅也是以湯誅尹諧文王誅潘正周公誅管叔太公誅華仕管仲誅付里乙子產誅鄧析央何此七子者皆異世同心不可不誅也。初魯之販羊有沈猶氏者常朝飲去聲其羊以詐市人有公慎氏者妻淫不制有慎潰會氏者奢侈踰法魯之鬻六畜休去聲者飾之以儲價及孔子之為政也則沈猶氏不敢朝飲其羊公慎氏出其妻慎潰氏越境而徙三月則鬻牛馬者不儲價賣羔豚者不加飾男女行者別於塗道不拾遺男尚忠信女尚貞順

吾地近焉。我為先并矣。蓋致地焉。犁鉏日請先嘗沮之。沮之而不可。則致地庸遲乎。於是選齊國中女子好者八十人。皆衣文衣而舞康樂。文馬三十駟。遺魯君。陳女樂文馬於魯。城南高門外。季桓子微服往觀。再三將受。乃語魯君為周道游。往觀終日。怠於政事。子路曰。夫子可以行矣。孔子曰。魯今且郊。如致膳于大夫。則吾猶可以止。桓子卒受女樂三日。不聽政。郊又不致膳於大夫。孔子遂行。

越敗吳于檇李

吳闔閭伐越。越句踐禦之。陳于檇李。大敗之。闔閭傷將指。而卒。子夫差。立誓以復讎。使人立於庭。苟出入。必謂已曰。夫差而也。忘越王之

宋 衛蒯聵奔

殺而父乎。則對曰。唯不敢忘。三年乃報越。綱秋衛世子蒯聵。出奔宋。紀衛侯為夫人南子。召宋朝。南子宋女也。朝宋太子蒯聵。獻孟于齊。過宋野。野人歌曰。既定爾婁豬。盍歸吾艾。緘。加叶胡。豬也。得牡則定。以喻南子。艾。太子羞之。謂戲。陽速幼也。緘。牡豕也。以喻宋朝。太子羞之。謂戲。陽速家臣曰。我從而也。朝少君。人少君見我。我顧乃也。殺之。速曰。諾。乃朝夫人。太子三顧。速不進。夫人見其色。啼而走。曰。蒯聵將殺余。公執其手以登臺。太子奔宋。綱孔子自衛適陳。畏于匡。復反于衛。

綱蓋易知錄 卷之四 周敬王 三

吳敗越于夫椒

綱丙午二十有五年春孔子去衛過曹夏五月魯定公卒子蔣嗣是為哀公綱秋九月孔子自曹適宋及鄭至陳紀孔子去曹適宋與弟子習禮大樹下宋司馬桓魋欲殺孔子伐其樹孔子去適鄭與弟子相失孔子獨立郭東門鄭人曰東門有人其類似堯其項類臯陶其肩類子產然自要腰以下不及禹三寸纍繫雷。羸憊。失意之貌。若喪去聲家之狗孔子遂至陳主於司城貞子家。

綱丁未二十有六年春吳子敗越于夫椒紀吳王

夫差敗越于夫椒

山名在江南常州府無錫縣太湖濱

報檇李也遂入

越越句踐以甲楯

閭上

五千保于會稽

山名在浙江紹興府城東

南使大夫種

上聲

因吳太宰嚭

故楚臣奔吳為太宰寵幸於夫差故種因之

以行成

求于吳

夫差將許之伍員

暹

曰不可臣聞之

樹德莫如滋

人之植德如植木焉欲其滋長

去

疾莫如盡

人之去惡如治

其淨盡

昔夏少康有田一成有衆一旅能布其德而

兆其謀遂滅過戈復禹之績

見二卷第一

今吳不如過而

越大於少康或將豐之不亦難

去聲

乎言與越成是使越豐大必為吳

難句踐能親而務施施不失人親不棄勞與我同壤

伍員諫許越成

而世為仇讎於是乎克而弗取將又存之違天而長

人曰越十年生聚而十年教訓二十年之外吳其為

沼乎。言吳必為越所滅而越及吳平。

綱戊申二十有七年春孔子自陳反于衛孔子自

衛如晉不果反乎衛復如陳紀孔子既不得用于衛

將西見趙簡子晉趙至于河今名鳴犢河在山聞寶

鳴犢舜華之死也臨河而歎曰美哉水洋洋乎丘之

不濟此命也夫子貢問曰何謂也孔子曰寶鳴犢舜

孔子臨河
興歎

華晉國之賢大夫也簡子未得志之時須此兩人而
後從政今得志乃殺之君子惡傷其類故余云然又
反乎衛復如陳

綱庚戌二十有九年夏孔子在陳思歸魯尋如蔡

綱壬子三十有一年春孔子自蔡如葉楚邑楚子昭

遣使來聘孔子紀楚子聞孔子在陳蔡之間使人聘

孔子陳蔡大夫謀曰孔子用於楚則陳蔡危矣相與

發徒圍之於野不得行絕糧使子貢至楚楚子與師

迎孔子然後得行楚子將以書社地封孔子二十五

家為里

子西沮書社之封

里各立社書社者書其社之人名於籍也

楚令尹子西曰王之使去諸侯

有如子貢者乎曰無有王之輔相有如顏回者乎曰無有王之將帥有如子路者乎曰無有王之官尹有如宰予者乎曰無有且楚之祖封於周號為子男五十里今孔丘述三王之法明周召邵之業王若用之則楚安得世世堂堂方數千里乎夫文王在豐武王在鎬百里之君卒王天下今孔丘得據土壤賢弟子為佐非楚之福也昭王乃止綱秋孔子自楚反于衛綱丁巳三十有六年冬孔子自衛反魯孔子敘書

記禮刪詩正樂序易彖繫象說卦文言紀魯終不能

用孔子孔子亦不求仕時周室微而禮樂廢詩書缺

孔子追迹三代之禮序書上自唐虞堯典舜典下至秦繆

穆秦誓刪古詩三千餘篇為三百五篇詩三百十一篇云三百五篇者

蓋以笙詩六篇無辭也皆絃歌之以求合韶武雅頌之音禮樂

自此可得而述晚而喜易序彖象象大象小象繫辭有上

說卦說卦傳文言乾坤二卦有文言讀易韋編三絕韋熟皮也古

者以竹為簡以熟皮貫之而成策孔子以詩書禮樂教弟子蓋三千

焉身通六藝者七十有二人顏回閔損冉耕冉雍宰

予端木賜冉求仲由言

韋編三絕

偃卜商。繚孫師會點曾參澹臺滅明高柴必不齊樊須有若公西赤原憲公冶長南宮縚公析哀顏由商瞿漆雕開公良儒秦商顏刻司馬耕巫馬期梁鸛琴牢冉孺顏辛伯虔公孫龍曹卣陳亢叔仲會秦祖奚容蒧公祖茲廉潔遽瑗宰父黑公西蒧壤駟赤冉季后處左郢狄黑商澤任不齊榮旂顏噲秦冉漆雕從燕汲林放申黨步叔乘石子蜀施之常鄭國樂欬顏之僕孔忠漆雕哆邾異顏相史記家語所載間有不同凡註欬音服縚音叨蒧音點瑗音願有十七人註欬音慨哆音多上聲邾音規

綱庚申三十有九年春魯西狩獲麟**紀**魯人西狩于

大野叔孫氏之車子鉏商獲麟麟麋身牛尾馬蹄一

瑞也麋音均鹿屬以為不祥棄之郭外孔子往觀之曰麟也

胡為來哉反袂拭面涕泗沾襟曰吾道窮矣**綱**孔

孔子作春秋

子作春秋**紀**孔子因魯史作春秋上自隱公元年下

訖哀公十四年凡十有二公隱桓莊閔僖文絕筆於

獲麟春秋止於西筆則筆可者筆削則削否者削游

夏子游之徒不能贊也助一辭

太史公曰有國者不可以不知春秋前有讒而弗見後有賊而不知為人臣者不可以不知春秋守經事而不知其宜遭變事而不知其權為人君父而不知春秋之義者必蒙首惡之名為人臣子而不知春秋之義者必陷篡弒之誅死罪之名

綱辛丑四十年夏熒惑守心**紀**熒惑守心見二十八心

宋之分野也景公憂之司星子韋曰可移於相公曰

熒惑守心

綱鑑易知錄 卷之四 周敬王 三十一

宋景有君人之言三

相。吾之股肱曰。可移於民。公曰。君者待民。曰。可移於歲。公曰。歲饑民困。吾誰為君。子韋曰。天高聽卑。君有君人之言三。熒惑宜有動。於是候之。果徙三度。

魯哀公誄仲尼

四月。孔子卒。年七十三魯哀公誄。誄者累其功德為文以哀之也之曰。旻天不弔。不慈。銀去聲且也遺一老俾弔。丙內蔽也余一人以

在位。熒熒。熒熒憂意余在疚。嗚呼哀哉。尼父。無自律。法也子貢曰。君其不沒於魯乎。夫子之言曰。禮失則昏。名失則愆。失志為昏。失所為愆。生不能用。死而誄之。非禮。

也。稱一人。唯天子得稱之非名也。君兩失之。

綱乙丑。四十有四年。秋。王崩。子仁踐位。

元王。名仁敬王之子在位七年諡法行義說民曰元

綱丙寅。周元王元年。

綱戊辰。三年。冬。十一月。越滅吳。紀初。越句踐為吳所

敗。棲西于會稽。使大夫種行成于吳。吳王夫差許之。

見上三十四句踐反國。乃苦身焦思。臥薪嘗膽。身自耕作。

夫人自織。折節下賢。厚遇賓客。賑貧弔死。與百姓同勞苦。二十餘年。其民生長可用。乃以伐吳。吳王兵敗。

臥薪嘗膽

棲于姑蘇

山名在江南蘇州府城西

使人行成於越請曰孤臣異

日得罪於會稽孤臣不敢逆命得與君王成以歸今

君王誅孤臣孤臣意者亦欲如會稽之赦罪句踐不

忍欲許之范蠡里曰會稽之事夫以越賜吳吳不取

今天以吳賜越越豈可逆天乎且君早朝晏罷非為

去吳耶謀之二十年一旦棄之可乎且天與不取反

受其咎吳王乃自殺綱越子會齊晉及諸侯于徐州

即舒州也今江南安慶府綱越人致貢王賜越子胥命為伯越

范蠡去越越子殺其大夫文種紀范蠡辭於句踐乘

范蠡諫許吳成

范蠡乘舟浮五湖種書

輕舟以浮於五湖

太湖也有遺去

大夫種書曰飛鳥

盡良弓藏狡兔死走狗烹敵國破謀臣亡越王長頸

鳥喙海鳥喙可與共患難不可與共安樂子何不去

種見書稱病不朝人或讒種且作亂越王乃賜種劍

種自殺范蠡浮海出齊變姓名自謂鴟夷子皮父子

治產至數十萬齊人聞其賢以為相蠡歎曰

居家致千金居官致卿相此布衣之極也久受尊名

不祥乃歸相印盡散其財懷重寶間行止於陶自謂

陶朱公貲累鉅萬魯人猗頓往問術蠡曰畜五牯乃

大畜牛羊十年間貲擬王公故天下言富者稱陶朱

綱壬申七年冬王崩子介踐位

綱鑑易知錄

卷之四

周貞定王

貞定王名介元王之子在位二十八年諡法清白守節曰貞紀行不爽曰定

綱癸酉周貞定王元年夏魯侯哀公出奔越紀魯哀公

欲以越去三桓欲假越兵以逐去三家不克遂遜于邾出奔邾國今山

魯哀公卒于有山氏乃如越綱魯哀公卒于有山氏即公孫有陘氏國人迎哀

公復歸卒于有山氏子寧是為悼公魯人立公之子寧

綱癸未十有一年晉荀瑤伯智與趙氏韓氏魏氏滅

范中行氏而分其地晉侯出公出奔齊紀晉智氏趙氏

韓氏魏氏范氏中行氏號為六卿是歲智伯與韓趙

魏共滅范中行氏而分其地晉侯告于齊魯請伐四

卿四卿反攻其君晉侯奔齊

綱戊子十有六年齊田盤使其宗人盡為齊都邑大

夫紀初陳公子完奔齊見上更姓田子孫盛多其後

齊亂公室卑弱權歸田氏田恆之子盤襄子為齊相至

是與三晉韓趙魏通使去聲盡以其兄弟宗人為都邑大

夫綱晉趙無恤使新稚狗伐狄紀趙襄子無恤使新稚

復穆子狗伐狄勝之取左人中人狄二邑遽傳車今人

趙襄子勝狄有憂色

來告襄子方食而有憂色侍者曰狗之事取狄大矣

而主邑不怡何也襄子曰夫江河之大也不過三日

飄風暴雨不終朝。日中不須臾。今趙氏之德無所積。一朝而兩城下。亡其及我哉。

綱丁酉二十五年。秦伐義渠。西戎國在陝西慶陽府。執其君以

歸。晉伐伊洛。陰戎滅之。自此中國無戎寇。惟餘義渠一種焉。

綱庚子二十有八年。春。王崩。子去疾踐位。是為哀王。弟叔

弑王自立。是為思王。秋八月。王子嵬殺叔而自立。是為考王。

綱封弟揭於河南城。王城。以續周公之職。是為西周桓公。

考王。名嵬。貞定王少子。在位十五年。

綱辛丑周考王元年。

綱甲辰四年。晉侯幽公反朝于韓。趙魏氏晉獨有絳。見上

十曲沃。見上卷。地。

綱乙卯十有五年。王崩。子午踐位。是為威烈王。綱西周公

惠公也。初考王封其弟於河南。是為西周桓公。卒。子威公立。卒。子惠公立。封其少子班於

鞏。河南府鞏縣。以奉王。是為東周。此東西周分之始也。

威烈王。見下卷一。

綱丙辰周威烈王元年。

綱壬申十有七年。魯侯穆公尊禮孔伋。子思。綱魯侯以公

儀休為相。紀公儀子相魯之。其家見織帛怒而出其

去織按葵

九鼎震

通鑑避續
經之嫌

二意並行
不相悖

綱鑑易知錄

卷之四

四

妻按史記蓋其家有織布婦而休遣去之耳非其妻也食於舍而姑食菜名慍也而拔其葵曰吾已食祿又奪園夫紅工女利乎

綱 戊寅二十有三年九鼎震

仁山金氏曰按九鼎三代相傳天下之形制圖籍也而震是天下之大異也司馬公通鑑始於是年而不書通鑑以人事為要也左氏終於趙韓魏之亡智伯而通鑑始於魏趙韓之為諸侯又推其始以及於趙韓魏之滅智伯又推其始以及智趙之立後舉數十年之事悉下附於二十三年之內年之不接於春秋者避續經之嫌也事之接於左氏者敘記事之實也然則呂成公大事記之年何以接春秋曰通鑑為歷代史法之創始於續經為有嫌大事記用史記年表之名例於春秋為不犯置呂成公即呂祖二意固並行而不相悖也註謙作大事記終

尺木堂綱鑑易知錄卷之五

周之炯靜專

通鑑綱目定本

山陰吳乘權楚材同輯

周之燦星若

周紀

威烈王

名午考王之子在位二十四年諡法疆毅執正曰威秉德尊業曰烈。是時周室衰微徒擁虛器號為天下共主傳至赧王五世為秦所滅

綱 戊寅周威烈王二十三年初命晉大夫魏斯趙籍

韓虔為諸侯

法書

初命何病周也三家分晉各三四世矣三家滅智氏分其田趙自襄子始

初命三晉
為諸侯

綱鑑易知錄

卷之五

周威烈王

一

天子之職莫大於禮

禮非名不著非器不形

襄子卒。桓子立。桓子卒。獻子立。獻子卒。籍立。魏自桓子始。桓子孫斯。韓自康子始。康子卒。武子立。武子卒。康子始。命之為諸侯。則於是。發自姬轍。既東。王室衰微。始也。以周為固。亂故病之。明聖人憂之。筆削一經。垂法萬世。今三家分晉。自立。正天誅所宜加。王法所不貫者。周不能討。則亦已矣。從而命之。果何意耶。綱目於此。大書而首揭之者。所以繼魯史之絕筆。猶託始隱公之意云爾。

司馬溫公曰。天子之職。莫大於禮。禮莫大於分。分莫大於名。何謂禮。紀綱是也。何謂分。君臣是也。何謂名。公侯卿大夫是也。夫以四海之廣。兆民之衆。受制於一人。豈非以禮為之綱紀哉。故天子統三公。三公率諸侯。諸侯制卿大夫。卿大夫治士庶人。貴以臨賤。賤以承貴。而君臣之分。猶天地之不可易。然後上下相保。而國家治安。然禮非名不著。非器不形。名以命之。器以別之。然後上下燦然。有倫名器既亡。則禮安得獨存哉。故繁縷小物也。而孔子惜之。正名細務也。而

孔子先之。蓋事未有不始於微而成於著。聖人之慮遠。故能謹其微而治之。衆人之識近。故必待其著而後救之。治其微則用力寡而功多。救其著則竭力而不能及也。嗚呼。周道之衰。綱紀散壞。禮之大體什喪七八。然猶歷數百年。宗主天下。徒以名分尚存故也。今晉大夫暴滅其君。剖分其地。天子既不能討。又寵秩之。使得列於諸侯。是區區之名分。復不能守。而卒棄之也。先王之禮。於斯盡矣。然則三晉之列於諸侯。非三晉之壞禮。乃天子自壞之也。
卷十九
註音孔子惜繁

智果諫立瑤

目初智宣子將以瑤。伯即智為後。智果曰。不如宵也。瑤

之賢於人者五。其不逮者一也。美鬚長大則賢。射御足力則賢。技藝畢給則賢。巧文辯慧則賢。彊毅果敢

則賢如是而甚不仁夫以其五賢陵人而以不仁行之其誰能待之若果立瑤也智宗必滅弗聽智果別族於太史為輔氏趙簡子之子長曰伯魯幼曰無恤將置後不知所立乃書訓戒之辭於二簡以授二子曰謹識志之三年而問之伯魯不能舉其辭求其簡已失之矣問無恤誦其辭甚習也孰求其簡出諸袖中而奏之於是簡子以無恤為賢立以為後簡子使尹鐸為晉陽今山西太原府太原縣請曰以為繭絲乎指賦稅而言抑為保障乎指藩籬而言簡子曰保障哉尹鐸損其戶數減損

趙簡子立無恤繭絲保障

其戶數則賦稅輕民力舒也簡子謂無恤曰晉國有難去聲而也無以尹鐸為少去聲無以晉陽為遠必以為歸及智宣子卒智襄子智伯瑤為政與韓康子魏桓子宴於藍臺智伯戲康子而侮段規韓康子臣智國聞之諫曰主不備難必至矣智伯曰難將由我我不為難誰敢興之對曰君子能勤小物細行也故無大患今主一宴而恥人之君相又不備曰不敢興難無乃不可乎瑞蟻蜂蠆聲皆能害人況君相乎弗聽智伯請地於韓康子康子欲弗與段規曰智伯好利而復關不與將

智國諫智伯

段規請與地

周威烈王

任意謂與地

伐我。不如與之。彼_{習也}。於得地。必請於他人。他人不與。必嚮之。以兵。然則我得免於患。而待事之變矣。康子乃與之。智伯悅。又求地於魏桓子。桓子以無故。欲弗與。任意曰。無故索地。諸大夫必懼。吾與之地。智伯必驕。彼驕而輕敵。此懼而相親。以相親之兵。待輕敵之人。智氏之命。必不長矣。不如與之。以驕智伯。桓子亦與之。智伯又求蔡。臯狼。_{臯狼趙邑。本春秋蔡地。故曰蔡臯狼之地。}於趙襄子。_無襄子弗與。智伯怒。帥韓魏之甲以攻之。襄子將出。曰。吾何走乎。從_{去聲}者曰。長。_掌子。_{今山西潞安府長子}

趙襄子走晉陽

伯 締疵諫智

縣近。且城厚完。襄子曰。民罷_{同力}。以完之。又斃死。以守之。其誰與我從者。曰。邯。_{寒邯。丹。今直隸廣平府邯鄲縣。}之倉廩實。襄子曰。浚民之膏澤。以實之。又因而殺之。其誰與我。其晉陽乎。先主之所屬_祝也。尹鐸之所寬也。民必和矣。乃走晉陽。三家_{智作韓魏}圍而灌之。城不浸者三版。沉竈產_蛙。民無叛意。締_{音隙}疵謂智伯曰。韓魏必反矣。智伯曰。子何以知之。對曰。以人事知之。夫從韓魏而攻趙。趙亡。難必及韓魏矣。今約勝趙而三分其地。城降有日。而二子無喜志。有憂色。是非反而何。

○灌城而軍低地誠為危道理辟下多才而無一人言及此者何也或謂剛愎不取吉之字已物難防孰甚於水陸人犯者皆皆地之不吉何待

趙韓魏滅

智伯才勝

德

智伯不悛。遷改也。趙襄子使張孟談潛出見二子曰：臣聞屠亡則齒寒，趙亡則韓魏為之次矣。二子乃陰與張孟談約為之期日而遣之。襄子夜使人殺守隄之吏而決水灌智伯軍，智伯軍亂，韓魏翼而擊之。襄子將卒犯其前，大敗其眾，遂殺智伯，滅其族而分其地。唯輔果即智在。

司馬溫公曰：智伯之亡也，才勝德也。聰察彊毅之謂才，正直中和之謂德。才者德之資，德者才之帥也。是故才德全盡謂之聖人，才德兼亡謂之愚人。德勝才謂之君子，才勝德謂之小人。凡取人之術，苟不得聖人君子而與之，與其得小人，不若得愚人。然德者人之所嚴，才者人之所

愛愛者易親，嚴者易疎。是以察者多蔽於才而遺於德，自古以來，國之亂臣，家之敗子，才有餘而德不足，以至於顛覆者多矣。豈特智伯哉。

趙襄子漆智伯之頭以為飲器。器，澆便也。智伯之臣

豫讓欲為之報仇，乃詐為刑人，挾匕首入襄子

宮中塗廁。次。塗，朽抹也。廁，溷池也。襄子如廁，心動，索之，獲豫讓

左右欲殺之。襄子曰：義士也，吾謹避之耳。乃舍之。讓

又漆身為癩，吞炭為啞，行乞於市。其妻不

識也。其友識之，為之泣曰：以子之才，臣事趙孟

氏為長故，必得近幸。子乃為所欲為，顧不易耶？何乃

曰：趙孟

豫讓為智伯報仇

綱鑑易知錄

卷之五 周威烈王

五

自苦如此讓曰委質如字。質身也。委質猶言致身。為臣而求殺之。是二心也。吾所以為此者將以愧天下後世之為人臣而懷二心者也。後襄子出，豫讓伏於橋下。襄子至，橋馬驚，索之，得豫讓，乃殺之。

豫讓無所為而為

致堂胡氏曰：君子為名譽而為善，則其善必不誠。人臣為利祿而效忠，則其忠必不盡。智伯無後矣，而讓也不忘國士之遇，以死許之，至再三而愈篤，則無所為而為之者，真可謂義士矣。

註我我故國士報之。

目魏文侯魏斯以上子夏田子方為師。每過，段干木之廬，必式式車前橫木有所敬，則俯而憑之。四方賢士多歸之。文侯

魏文侯不期失虞人之

君仁則臣直

與羣臣飲酒樂，而天雨，命駕將適野。左右曰：今日飲酒樂，天又雨，君將安之？文侯曰：吾與虞人期獵，雖樂，豈可無一會期哉？乃往，身自罷之。文侯使樂羊伐中山。古狄都，今直隸真定府定州。克之，以封其子擊。他日問於羣臣：我何如主？皆曰：仁君。任座曰：君得中山，不以封君之弟，而以封君之子，何謂仁君？文侯怒，座趨出。次問翟璜，璜對曰：仁君也。文侯曰：何以知之？對曰：君仁則臣直，嚮者任座之言直，是以知之。文侯悅，使璜召座而反之，親下堂迎之，以為上客。文侯與田子方飲，文

侯曰鐘聲不比乎左高謂左方之聲高田子方笑文侯曰何

笑子方曰臣聞之君明樂官不明樂音今君審於音

臣恐其聾於官也文侯曰善子擊出遭田子方於道

下車伏謁子方不為禮子擊怒謂子方曰富貴者驕

人乎貧賤者驕人乎子方曰亦貧賤者驕人耳富貴

者安敢驕人國君而驕人則失其國大夫而驕人則

失其家失其國家者未聞有以國家待之者也夫士

貧賤言不用行不合則納履而去安往而不得貧賤

哉擊乃謝之文侯謂李克曰先生有言家貧思賢妻

審音龍耳官

貧賤者驕人

達視其所舉

魏文侯定相

國亂思良相今所置非成魏成則璜翟璜二子何如對曰

居視其所親富視其所與達視其所舉窮視其所不

為貧視其所不取五者足以定之矣文侯曰先生就

舍館也吾之相定矣李克出翟璜曰聞君召先生上相

果誰為之克曰魏成璜忿然曰西河今山西汾州府守吳起

臣所進也君內以鄴業今河南彰德府臨漳縣為憂臣進西門

豹君欲伐中山臣進樂羊中山已拔無使守之臣進

先生君之子無傅附臣進屈侯鮒附以耳目之所睹

記臣何負於魏成克曰成食祿千鍾什九在外是以

吳起歸魏文侯李克論吳起

東得十子夏由子方段于木此三人君皆師之子所進五人者君皆臣之子惡得與成比也璜再拜謝曰鄙人失對願卒為弟子吳起者衛人仕於魯齊人伐魯魯人欲以為將起取齊女魯人疑之起殺妻以求將大破齊師或譖之曰起始事曾參母死不奔喪曾參絕之今又殺妻以求為將起殘忍薄行人也起恐得罪聞魏文侯賢乃往歸之文侯問諸李克克曰起貪而好色然用兵司馬穰苴穰苴所著書名司馬法弗能過也於是文侯以為將擊秦拔五

吳起為卒吮疽

城起為將臥不設席行不騎乘親裹贏盈也糧與士卒最下者同衣食分勞苦卒有病疽者起為去聲吮前之卒母聞而哭之或問之對曰往年吳公吮其父其父戰不還踵遂死於敵吳公今又吮其子妾不知其死所矣

其貪則一

東萊呂氏曰吳起為人貪財好色及為將則與士卒同甘苦臥不設席行不騎乘是起前則貪後則廉也起非是後能廉也前之貪是貪財後之與士卒同甘苦乃是貪功名之心使之其事雖殊其貪則一今漁人以餌致魚非是肯捨餌也意在得魚也畢竟是貪心所使也

趙烈侯趙籍好音謂相國公仲連曰寡人愛鄭歌者

綱鑑易知錄

周威烈王

槍鏘石二歌者名二人吾賜之田人萬畝每人賜田萬畝連諾而

不與烈侯屢問連乃稱疾不朝番作吾今直隸真定君史失其姓名謂連曰君實好善而未知所持公仲亦有

進士乎連曰未也曰牛畜荀欣徐越皆可連進之畜

侍猶言勸也以仁義烈侯迫由自得貌明日欣侍以舉賢

使能明日越侍以節財儉用察度鐸功德所與無不

充凡所賜與皆稱其功德君悅乃謂連曰歌者之田且止以畜

為師欣為中尉越為內史賜連衣二襲上下皆具日襲

綱已卯二十四年王崩子驕立

歌者之田且止

號山朋壅河

安王名驕威烈王子在位二十六年諡法好和不爭曰安

綱庚辰安王元年

綱壬午三年號山在河南河南府盧氏縣崩壅河

綱甲申五年盜殺韓相依累名傀發音規明人真穿窬之

政著爾書之為盜夫復何說嘗怪馬遷作史特取有則千載之下必有聞風效之者矣目依累與濮陽今山東東昌府濮州嚴仲子

有惡史記作隙仲子聞軼止今河南懷慶府濟源縣人聶念入聲政之

勇以黃金百鎰逸四兩為鎰為政母壽敬日壽欲以

報仇政不受曰老母在政身未敢以許人也及母卒

綱蓋易知錄 周安王

聶政刺俠

聶嬰

仲子乃使政刺俠累。俠累方坐府上，兵衛甚嚴。聶政直入刺之，因自皮面抉。入暴，僕其尸於市。購財求也。以問莫能識其姊。嬰聞而往哭之，曰：「是軹深井里聶政也。以妾在，故重自刑，以絕蹤。妾奈何畏沒身之誅，終滅賢弟之名，遂死政尸傍。」

田和遷君海上

綱庚寅十一年，齊田和會魏侯、楚人、衛人于濁澤，在一城。

綱壬辰十三年，齊田和會魏侯、楚人、衛人于濁澤。

田和求為諸侯

西平陽求為諸侯。發前書：田和遷其君於海上，繼書：府解州。明求為諸侯，則其篡奪之實固不。可誣。周既不能制三晉於前，其能制田氏於後哉。比而觀之，則當時君不君，臣不臣，其罪皆曉然。其見於書法之。田和求為諸侯，魏文侯為之請於王及諸侯，王許之。

綱甲午十五年，魏吳起奔楚楚，以為相。魏武侯文

擊浮西河。在直隸真定。而下顧謂吳起曰：「美哉山河

之固，此魏國之寶也。」對曰：「在德不在險。昔三苗氏左

洞庭，湖名在湖廣岳。右彭蠡，里。即鄱陽湖在。德義

不脩，禹滅之。夏桀之居左河濟，西北距河。東南據濟。右秦華，西

在德不在險

嶽在陝西西伊闕山名在河南河南府西南一名龍門在其南羊腸坂名在山西潞安府壺關縣

在其北脩政不仁湯放之商紂之國左

孟門山名在山西平陽府吉州右太行抗山名在河南南懷慶府城北常山山名在真定府

在其北大河經其南脩政不德武王殺之由

此觀之在德不在險若君不脩德舟中之人皆敵國

舟中敵國
吳起田文
論功

也武侯曰善魏相田文起不悅謂文曰請與子論功

可乎文曰可起曰將三軍使士卒樂死敵國不敢謀

子孰與起文曰不如子起曰治百官親萬民實府庫

子孰與起文曰不如子起曰守西河而秦兵不敢東

鄉向韓趙賓從子孰與起文曰不如子起曰此三者

子皆出吾下而位加吾上何也文曰主少國疑大臣

未附百姓不信方是之時屬祝之子乎屬之我乎起

默然良久曰屬之子矣久之武侯疑之起懼誅遂奔

楚楚悼王素聞其賢至則任之為相起明法審令捐

不急之官廢公族疏遠者以養戰士要在彊兵破遊

說稅之言從宗橫宏者關東地長為從楚燕趙魏韓

秦獨居之以六攻一為從以齊六國居之關西地廣為橫

離六為橫故從曰合橫曰連於是南平百越越非

故曰北卻三晉趙魏西伐秦諸侯皆患楚之彊而楚

之貴戚大臣多怨起者

初命田和為諸侯

綱乙未十六年初命齊田和為諸侯

綱庚子二十一年楚君類王卒楚人殺吳起法書稱人

辭也然書殺則愈前衛鞅見二六目悼王薨貴戚大臣

於衛鞅矣鞅書誅註卷第三

作亂攻吳起殺之

綱壬寅二十三年齊侯貸公卒無子田氏遂并齊法書

書遂何罪辭也然上書卒無子則愈於三晉矣

綱乙巳二十六年王崩子喜立

綱三晉魏韓趙共廢其君俱酒靖公為家人而分其地

烈王名喜安王之子在位七年諡法秉德尊業曰烈

綱丙午烈王元年

綱辛亥六年齊侯威王來朝法書來朝何嘉尊周也八

有稱爵者稱發自周之衰諸侯不王今齊乃能特舉齊侯嘉之也明朝禮入見於周則是空谷足音晦冥

日月絕無而僅存者也綱目目時周室微弱諸侯莫

書此蓋亦樂予人為善之意目時周室微弱諸侯莫

朝而齊獨朝之天下以此賢威王綱齊侯封卽墨大

夫烹阿大夫法書特書齊侯目齊威王名卽墨今山東

卽墨大夫語去聲之曰自子之居卽墨也毀言日至吾

使人視卽墨田野闢人民給官無事東方以寧是子

齊侯來朝

封卽墨烹阿

綱鑑易知錄

卷之五 周烈王

十一

不事吾左右以求助也。封之萬家。名阿。今山東兗州府東阿縣。

大夫語之曰：自子守阿，譽平聲言日至，吾使人視阿。田

野不闢，人民貧餒。趙攻鄆。魯。今山東兗州府濮州。子不救衛，取

薛陵。在兗州府滕縣。子不知，是子厚幣事吾左右以求譽也。

是日烹阿大夫及左右嘗譽者。於是羣臣悚懼莫敢

飾詐，務盡其情。齊國大治，彊於天下。

綱 壬子七年，王崩，弟扁立。

顯王 名扁，烈王之弟，在位四十八年，諡法未詳。

綱 癸丑，顯王元年。

綱 丁巳五年，秦敗三晉之師于石門。在山西平陽府解州。賜以

黼黻之服。月令：黼黻，文章。白與黑謂之黼，黑與青謂

曰黼。若斧形，繡之於裳，取其斷也。黻，書賜服，不書此

為兩已相背，繡之於裳，取其辨也。法何以書？前年秦兵至洛陽，無忌憚孰甚焉。於是又敗三晉之師於

石門，黼黻之賜，周之所以自免者未矣。書悲之也。綱 己未七年，秦伯卒。不名，史失其傳也。秦獻公薨，子孝公

立。是時河山以東，疆國六，淮泗之間，小國十餘。楚魏

與秦接界，皆以夷狄遇秦，擯斥之，不得與。預中國之

會盟。明於是孝公發憤脩政，欲以彊秦。

綱 庚申八年，彗。遂位，二音。星見，現西方。彗，竹掃帚也。彗星

秦孝公發憤脩政 彗星見西

妖星光芒 備指如

衛公孫鞅入秦

昔者也。色蒼則王侯破。天子苦兵。赤則賊起。黃則女害。色權奪。后妃白則將軍逆。二年兵大作。黑則水精賊。江河決。賊處處起。長大見久則災深。短小見不久則災狹也。

綱衛公孫鞅入秦。法書上書見西方下書入秦鞅之。秦孝公令國中

曰。賓客羣臣有能出奇計彊秦者。吾且尊官與之分

問土。謂裂土以封之。於是衛公孫鞅聞之。乃西入秦。鞅衛之

庶孫也。好刑名之學。事魏相公叔座。座知其賢。未及

進。會病。魏惠王往問之。曰。公叔病。如有不可諱。將奈

社稷何。公叔曰。座之中庶子。名衛鞅。年雖小。有奇

才。願君舉國而聽之。王默然。公叔曰。君即不聽用鞅。

必殺之。無令聲出境。王許諾而去。公叔名鞅。謝曰。吾

先君而後臣。故先為君謀。後以告子。子必速行矣。鞅

曰。君不能用子之言。任臣。文安能用子之言。殺臣乎。

卒不去。王出謂左右曰。公叔病甚。悲乎。欲令寡人以

國聽衛鞅也。既又勸寡人殺之。豈不悖哉。鞅既至秦。

因嬖臣景監以求見。說稅以富國彊兵之術。孝公大

悅。與議國事。

綱壬戌十年。秦以衛鞅為左庶長。定變法之令。法書綱

書律令多矣。未有書變法者。書變法何罪。首變古也。故書衛鞅而削其族。 **目**衛鞅欲變法。

衛鞅變法

秦人不悅，鞅言於孝公曰：夫民不可與慮始而可與樂成。論至德者不和於俗，成大功者不謀於衆。是以聖人苟可以彊國，不法其故，甘龍曰：不然。因民而教者，不勞而成功。緣循也。法而治者，吏習而民安之。衛鞅曰：常人安於故俗，學者溺於所聞，以此兩者居官守法可也。非所與論於法之外也。智者作法，愚者制焉。賢者更耕禮，不肖者拘焉。公曰：善。乃以鞅為左庶長。秦卒定變法之令，令民為什伍。五家為保，十家相連，而相收。司相糾連坐。去聲。一家有罪，九家舉告。姦者與斬。發也。連坐。發若不糾舉，則十家連坐。

敵首同賞，匿姦者與降。敵同罰，民有二男以上，不分異者，倍其賦。有軍功者，各以率受爵，為私鬪者，各以輕重被刑。大小僇。力本業，耕織致粟帛多者，復其身。事末利及怠而貧者，舉以為收孥。宗室非有軍功，不得為屬籍。明尊卑爵秩等級，各以差次名田。富者過制，則貧弱者可足。宅臣妾衣服，有功者顯榮，無功者雖富無所芬華。令既具，未布，恐民之不信，乃立三丈之木於國都南門，募民徙木立信。

能徙置北門者予十金民怪之莫敢徙復去曰能徙者予五十金有一人徙之輒予五十金乃下令令行期年民之國都言新令之不便者以千數於是太子犯法衛鞅曰法之不行自上犯之太子君嗣不可施刑刑其傅公子虔擊。墨其師公孫賈明日秦人皆趨令行之十年道不拾遺山無盜賊民勇於公戰怯於私鬪鄉邑大治秦民初言令不便者有來言令便鞅曰此亂法之民也盡遷之於邊其後民莫敢議令

小人狙詐之術

皆從木所致

勿軒熊氏曰或問商鞅徙木立信果可以為信乎曰此小人狙詐之術非信也然則溫公稱其信以畜民荆公贊其令之必行非歟曰溫公不識王伯故有此等議論若荆公者方以其術禍天下無怪乎喜而贊之也昔者聖人之治世也因其自然之理當行之路而立教養之法爾政之出堅如金石於以定民之心志一令之施確如四時於以一民之耳目聖人之所以信於民者蓋如此豈有一毫私意於其間哉商鞅以刻薄狙詐之資欲售其富強吞并之術恐民驚駭而不之信非議而不之從於是特假徙木之小事而立五十金之重賞行不測之賞誘之於先用不測之刑驅之於後移其耳目奪其心志於是驅之力本則務農矣驅之戰鬪則死敵矣驅之弑父則子不敢違矣驅之弑君則臣不敢違矣厥後扶蘇聞詔賜死不敢自趙高指鹿為馬廷無聞言皆徙木之所致也嗚呼小人之術正如毒藥攻病非無一時捷效而其潰腸刻

骨之禍蓋有不旋踵者。鞅不足道也。而溫音扶公議論如此。吾以是知功利之移人甚矣。註蘇見八卷十二。趙高見八卷二十七。

綱丙寅十四年齊魏會田也。獵于郊。縣名。故城在江。南徐州沛縣。法書

齊魏論寶書會田于郊。醜之也。魏惠王問齊威王曰：齊亦有寶乎？威王

曰：無有。惠王曰：寡人國雖小，尚有徑寸之珠，照車前

後各十二乘者十枚，豈以齊大國而無寶乎？威王曰：

寡人之所以為寶者，與王異。吾臣有檀子者，使守南

城。縣名。故城在山東濟南府泰安州。則楚人不敢為寇，有盼子田者

使守高唐。今山東東昌府高唐州。則趙人不敢東漁於河，有黔

夫者，使守徐州。故城在山東兗州府東平州。則燕趙之人從而

徙者七千餘家，有種首者，使備盜賊，則道不拾遺。此

四臣者，將照千里，豈特十二乘哉？惠王有慚色。

綱丁卯十五年魏伐趙圍邯鄲。丹。趙都。今直隸廣平府邯鄲縣。

綱戊辰十六年齊伐魏以救趙。魏克邯鄲，還戰敗績。

大崩日。敗績。目初孫臏頻上聲與龐涓俱學兵法，涓仕魏為

將軍，自以能不及臏，乃召之，至則斷其足而黥之。

欲使終身廢棄，齊使者至，魏臏陰見之，使者竊載以

歸。田忌客之，進之威王。威王問兵法，遂以為師。至是

齊伐魏以救趙

謀救趙以臆為將辭以刑餘之人不可乃使田忌為將而孫子為師居輜支車載衣中坐為計謀忌欲引

兵之趙孫子曰夫解雜亂紛糾者不控拳同參音緇

繩也蓋以理亂絲為喻言雜亂紛糾者當徐解之不可急持拘持也將音鸞入聲救鬪者不

搏搯棘也搏手擊也批亢音岡擣虛批反擊也亢喉也謂擊其要處也擣

亦擊也虛空也即下文形格同閣勢禁則自為解耳閣

引兵疾走其都是也形格閣勢禁則自為解耳閣

禁止則彼自為解兵也今梁魏都今山西平陽府安邑

之輕兵銳卒竭於外而老弱疲於內若引兵疾走其都彼必釋趙而自救是我一舉解趙之圍而收

批亢擣虛

弊於魏也忌從之十月邯鄲降魏魏師還與齊戰於桂陵魏師大敗

綱庚午十八年韓以申不害為相申不害者鄭之

賤臣也學黃老黃帝老子之法清簡無為刑名本於黃老而主刑名以干韓

昭侯昭侯用以為相內脩政教外應諸侯十五年終

申子之身國治兵彊昭侯有弊袴命藏之侍者曰君

亦不仁者矣不賜左右而藏之昭侯曰吾聞明主愛

一嘖同嘖有為去聲一笑同嘖有為去聲今袴豈特

嘖笑哉吾必待有功者

明王愛嘖
笑
嘖袴待有功

綱鑑易知錄

周顯王

商鞅廢井田

綱辛未十九年秦徙都咸陽始廢井田書始何罪

發井田上世之良法也自黃帝畫野分州更唐虞夏商周而法始大備前世論之詳矣鞅獨何人乃舉而廢之又從而更賦稅之法其變古之罪不可勝誅矣

也記列教令當於此門闕也闕在門兩旁中央闕然為道崔豹古今注云人臣至此則思其所闕蓋為二臺於門外作樓觀於上上圓下方以其懸法謂之象魏象治象也魏者其狀巍然高大使民觀之因謂之觀兩觀雙柱中不為門是於咸陽府咸陽縣徙都

之井諸小鄉聚集為一縣縣置令丞凡三十一縣廢

井田開阡陌朱子曰阡陌便是井田一橫一直如遂陌之外有地則又開在那裏先王所以如此者乃是

要正經界恐人相侵占今商鞅却破開了遇可作田

處便作田更不要整齊這開字非開創之開乃開闢之開也國外曰郊郊外曰遂洫溝也 平斗

桶斛也權衡稱錘曰權丈尺

綱癸酉二十一年秦更耕賦稅法

綱乙亥二十三年衛貶號曰侯服屬三晉書衛故侯

書曰復而日貶何著其心也自卑以求媚於人則不足以言復矣目初子思言苟變

於衛侯曰其材可將五百乘公曰吾知其可將然變

嘗為吏賦於民而食人二雞子故弗用也子思曰夫

聖人之官人猶匠之用木也取其所長棄其所短故

杞梓連抱而有數尺之朽良工不棄今君處戰國之

聖人官人猶用木

周顯王

二卯棄干城

世選爪牙之士而以二卯棄干城

干盾也干城皆所以扞外而衛內者

詩國風趙趙武夫公侯干城。趙音九武貌。

之將此不可使聞於鄰國也

衛侯言計非是而羣臣和

去聲

者如出一口子思曰以

吾觀衛所謂君不君臣不臣者也夫不察事之是非

而悅人讚已闇

暗

莫甚焉不度

鐸

理之所在而阿諛

求容諂莫甚焉君闇臣諂以居百姓之上民不與也

若此不已國無類矣

類種類言必亡也

子思言於衛侯曰君

之國事將日非矣君出言自以為是而卿大夫莫敢

矯其非卿大夫出言自以為是而士庶人莫敢矯其

非君臣既自賢矣而羣下同聲賢之賢之則順而有

福矯之則逆而有禍如此則善安從生詩曰具曰予

聖誰知烏之雌雄

詩小雅正月之篇具俱也烏之雌雄相似而難辨者也言皆自以為

聖人則誰能別其言之是非

抑亦似君之君臣乎

尺木堂綱鑑易知錄卷五

早稲田大学図書館

011688996246